

**Ial eo
nan**

Anij





©2007. Cover art, Edwin B. Wallace. Meryl Esenwein, art above and on pages 10, 12, 14, 16, 27, 29, 39, 41, 42, 44, 46, 47 and 48.

ANIJ EAR KŌMANMAN LAL IN IM AOLEP MENNINMOUR KO

1

Ilo jinoin Anij ear kōmanman lañ im lal. —Jenesis 1:1

Bwe kōn E emōj kōmman men ko otemjej, men ko i lañ kab men ko ioon lal, ko jej loi im ko je jab loi, elaññe türoon ko ak jiōb ro ak irooj ro ak kajoor ko; emōj kōmanman men otemjej kōn E im ñan E; —Kolosse 1:16

E mōnōnō kom jān Jeova eo ear kōmanman lañ im lal. Lañ ko. lañ ko re an Jeova, a lal Ear letok ñan ro nejin armej. —Sam 115:15,16

Lal in ear weppān ilo iien eo ke Anij ear lelok e ñan armej. Kwon kōnono book in im lale ta eo ear walok.

ANIJ EAR KŌMANMAN KŌJ



Im Anij ear ba, Jen kōmanman armej ilo wāweed im āinwōt Kōj: im ren irooj ion iik in lojet, im ion bao in mejatoto, im ion kidu kan, im ion aolepen lal, im ion men in tōbalbal otemjej rej tōbalbal ion lal.

—Jenesis 1:26

ARMEJ EAR EROM JUON EO ME EJ MOUR 3

Im Jeova Anij ear kōmman im na wāween armej jān būñalñal in āne; im Ear uuki ilo botin menono in mour; im armej eo ej mour. —Jenesis 2:7

Im Jeova Anij ear ba, E jab emman bwe armej eo en make ian; Inaaj kōmman rajitan. Im Jeova Anij ear kōmman bwe kiki mitoñ en buñ ioon leo, im ear kiki; im ear bōk juon di jān katin, im pinej ijo kōn kanniōk: im di eo Jeova Anij ear bōk jān leo, ear kōmanman kōrā jān e, im āñin tok e ñan ippān leo. —Jenesis 2:18a, 21,22

*Men in “ej mour” ej melele in bwe Anij ear liküt juon jetōb ilo Adam.

4 ADAM IM IB RAAR JAB POKAKE ANIJ



Jen jab eoroñ ainikien ñan jidik.

**Im Jeova Anij ear bōk armej eo im liküt e ilo jikin 5
kallib in Iden, bwe en jermal e im kōjparok e. Im Jeova
Anij ear jiroñ armej eo, im ba, Jen wōjke otemjej i jikin
kallib eo kwo maroñ mōñā wōt: a kōn wōjke in jelā
emman im nana, kwon jab mōñā jān e: bwe ilo raan eo
kwoj mōñā jān e, kwo naaj mej otem mej.**

—Jenesis 2:15-17

**JEDPĀNIT EO, ĀT KO JET ETAN REJ TEPIL AK JETAN,
EAR JUMAE UTIEJ EO AN ANIJ IM EAR RIAB.**

**Im jedpānit eo ear ba ñan lio, Kom jāmin mej otem
mej: Im ke lio ear lo bwe emman leen wōjke eo ñan
mōñā, im oleo ñan mejān, im juon wōjke emman bwe
en kamālōtlōt, ear bōk jen leen, im mōñā; im ear bar
āinwōt lelok ñan leo pālen ippān, im ear mōñā.**

—Jenesis 3:4, 6

**6 ADAM IM IB RAAR JAB MAROÑ IN
PĀD WŌT ILO JIKIN KALLIB EO**



Kōn men in Jeova Anij ear jilkinlok e jān jikin kallib in Iden, bwe en kallib āne eo ar bōk e jān e... im Ear likūt i rear in jikin kallib in Iden, Kerub ko, im jāje urur, eo ej ukukōt ijo ko otemjej, bwe en bare ial an wōjke in mour.

—Jenesis 3:23, 24

**EAR JUON RAAN E KANOOJ IN
KABÜROMŌJMŌJ ÑAN AOLEP RO RI LAL IN
KE ADAM IM IB RAAR JEROWIWI**

7



... Kõn juon armej, jerowiwi ej deloñ ilo lal, im mej kõn jerowiwi; im äindein mej ear itok ionn armej otemjej.... —Rom 5:12

Juon men im emman kwon keememej e

Kajjojo armej ej lotak kõn mwilin jerowiwi im juon raan enaaj mej kõnke mej ear itok kõn jerowiwi. (Kwon bar kõnono Rom 5:12.)

**8 KARÖK EO AN ANIJ BWE EN LOMOOREN
KÖJ JÄN JEROWIWI EJ
BWE EN JILKINTOK
NEJIN E MAKE WÖT**



Im enaaj keotak nejin
emmaan, im kwonaaj liküt
etan Jijej; bwe Enaaj
lomooren ro doon jän
jerowiwi ko aer. —Matu 1:21

**Bwe Nejin Anij en itok ñan lal in ear aikuj in erom
juon niñniñ nejin armej.**

**Bwe ilo E im wāween änbwin, rej jokwe men otemjej
an Anij wöt.** —Kolosse 2:9

JIJ EJ ANIJ—ILO WĀWEEN KANNIŌK 9

Ilo jinoin Naan eo, im Naan ippān Anij, im Naan Anij. Im Naan e ar kanniōk im pād ipped. —Jon 1:1, 14a

Im emōj kōmman aolep en men in bwe en kamool naan Irooj ear kōnono kōn ri kanaan eo, im ba, Lo, bōjin e naaj bōroro, im enaaj keotak nejin emmaan, im renaaj na etan Immanuel, ukōtōn naan in, Anij ippād wōj. —Matu 1:22, 23

Bwe ñan kōj e lotak juon Laddik, ñan kōj emōj letok juon Nejād Emmaan; im kien enaaj pād ion aeran: im naaj na etan Lukkuun manman, Ri Pepe, Anij e Kajoor Bōtata, Jemān iien indeeo, Irooj in Aenōmman. —Aiseia 9:6

JIJEF KÜRÄIJ—AD MENNIN KATOK E WEEPPÄN

EO ear jab jelā jerowiwi....

—2 Korint 5:21

EO ear jab kōmman nana....

—1 Piter 2:22



Ekar jab bwe joñan weepän an jabdewōt mennin katok (mennin lelok) an armej bwe en bōklok jerowiwi.

Bwe bōtōktōkin kau komaan im goat ko e ban jeorlok jerowiwi ko.

—Hibru 10:4

Jijef ej Laam eo an Anij. ... **Lo, Laam an Anij, Eo ej bōklok an lal jerowiwi!**

—Jon 1:29b

JESUS EAR LELOK AN MOUR BWE 11 EN LOMOOREN KÖJ

Elõñ armej re lāj raar diliak Jijej ñan juon debwāāl kōmman kōn alal kōnke raar kōjdat E. Bōtab mej eo an ear ilo plan im pepe an Anij. Jijej, kōn kōnaan eo an make, ear make liküt an mour bwe en lomooren kwe kab ña jān jerowiwi ko ad.

Jijej ear ba, **Ejjelok armej ej böke** [Aõ mour] **jān Eõ, a Ña lj make liküt e. lj maroñ bwe ln liküt e, im lj maroñ bwe ln bar böke...**

—Jon 10:18a

EMÖJ PINMUUR ÑAN KÖJ KÖN BÖTÖKTÖKEN LAAM EO AN ANIJ

Bwe kom jelā ar jab pinmuur ñan kom kōn men in ijurwewe ko, kōn silver im kool, jān ami mour bata emōj liküte ñan kom jān ro jimmami, **A kōn bōtōktök e aorök, āinwōt an laam ejjelok notaan im e kwōjarjar, aet eo an Kūraj.**

—1 Piter 1:18, 19

EJJEL,K BAR JUON MENNIN KATOK E MAROÑ BÖKLOK JEROWIWI

...emōj kakwōjarjar kōj, kōn lelok ānbwiniin Jijej Kūraj alen wōt juon.

—Hibru 10:10

12 ... ke emōj kawānōk kōj ilo bōtōktōkin, naaj lomooren kōj jān illu kōn E. —Rom 5:9b

Kwon keememej eō ñe
Kwōj itok ilo Am aelōñ.

—Luk 23:42b

Ri koot in
ear tōmak
Jijej im
Jijej ear
lomooren
e.



Emool Ij ba
ñan eok,
Rainin kwō
naaj pād ippa
ilo paredais.

—Luk 23:43b



Ri koot in
ear jab
tōmak Jijej.
Kōn men in,
Jijej ear jab
lomooren e.



**A Anij ej kwalok kadkadin An yokwe ñan kōj ilo men in,
ke jar ri jerowiwi, Kūrai Ear mej kōn kōj.** —Rom 5:8

**AOLEP RO ME REJ TÕMAK ILO
NEJIN ANIJ RENAAJ MOUR**

13

**Bwe kõn an Anij yokwe lal, Ear letok
juon wõt Nejin ear keotak, bwe
jabdewõt eo ej lõke E en jab
jako, a en mour indeeo.**

—Jon 3:16

**Im Ear kõtlok kõj jån kajoor in marok, im bõk lok kõj
ñan lowaan aelõñ eo an Nejin e jitõnbõro ippån; im Ej
pinmuur* ñan kõj, aet jeerlok jerowiwi ko ad.**

—Kolosse 1:13, 14

*Pinmuur ej melele in bwe emõj bar wiaik kõj.



Im enjel ej uwaak im ba ñan kōrā ro, Komwin jab lōlñoñ: bwe I jelā komij pukot Jijej, eo ar debwāāl E. E jako ijin; bwe Ear jerkakpeje, im āinwōt An ba. Komwin item lale ije jikin an Irooj ar babu.

—Matu 28:5, 6

JIJEE EAR JERKAK JÄN RO RI MEJ 15

Ña ij Eo mokta im Eo äliktata, im Eo ej mour; im I kar mej, ak lo, lj mour indeeo im indeeo, im ippa key ko key in mej im key an Hedis. —Revelesön 1:17b, 18

... Bwe lj mour, kom naaj mour bar äinwöt. —Jon 14:19b

Kön an Jijej anjo ioon mej im kön an bök key ko an mej, je jāmin bar aikuj in mijak mej.

lien ko ñe ij lölñoñ Inaaj löke Yuk. —Sam 56:3
(Kwon lale jet ian kallimur ko jet an Anij ilo page 46.)

JIJEE E MAROÑ LOMOOREN YUK IM EJ JAR KÖN YUK

A E in, kön an päd indeeo, jermal in pris eo An e jāmin ukuköt. Kön men eo Ej maroñ in lomoorer wöt ro rej kepaak ñan Anij kön E, bwe Ej mour indeeo im akwelap ñan E kön er. —Hibru 7:24, 25

KWE KAB ÑA, JE MAROÑ BÕK MOUR INDEEO



Ewi ial eo im kwonaaj
kãälõt e?

Jijej Kürrij ej ial eo wõt
ñan mour indeeo ippãn Anij.

Tepil eo (Jetan) ej ial eo
ñan mej indeeo.

Laddik jidikdik in ear jimwe an kãälõt ial eo ñan mour indeeo.

KWO TEN KĀĀLŌT TA?

17

...Komwin kāālōt rainin wōn eo kom naaj jermal ñan
e.... —Joshua 24:15

...Innām kwon kāālōt mour bwe kwon mour wōt, kwe
im ro ineōm. —Duteronomi 30:19b

JIJ EJ IAL EO WŌT ÑAN MOUR INDEEO

Im mour ilo ejjelok bar juon: bwe ejjelok bar juon āt
iumwin lañ, im letok ñan armej bwe jān mour ilo E.
—Jermal 4:12

Ña, aet Ña, Jeova; im e bar ejjelok ri lomoor ijellokō.
—Aiseia 43:11

18 ETKE JEN KĀĀLŌT JIJĒJ ELAÑÑĒ JE KŌNAAN MOUR INDEEO?

1. *Kōnke Kūraij make ear itok.*

...Ña Ij itok bwe ren bōk mour....

—Jon 10:10



2. *Kōnke Kūraij ear yokwe kōj im mej kōn kōj.*

...Ij mour ilo lōke Nejin Anij, Eo ear
yokwe eō, im make lelok E kōn eō.

—Galetia 2:20b

Jijej ear erom juon armej. Ear erom kan-
niōk im bōtōktōk ejja āinwōt kōj...**bwe**

**kõn mej En kokkure tepil eo, kajoor in mej ippān; im 19
bwe En kötlok er otemjej ro raar pād im mour iien
otemjej ilo kamakoko kõn aer lōlñoñ kõn mej.**

—Hibru 2:14b, 15

**3. *Bõtōktōken Jijej wõt ej kein medek kõn jerowiwi ko
ad.***

**...Bwe bõtōktök men eo ej kōmman kōllaajrak kõn
mour.**

—Livitikus 17:11b

**...Im bõtōktōkin Jijej Nejin, ej karreoik kōj jān jerowi-
wi otemjej.**

—1 Jon 1:7b

Im Ej pinmuur ñan kōj, aet jeorlok jerowiwi ko ad.

—Kolosse 1:14



4. Kōnke Kūraiĵ ear jerkakpeje jān ro ri mej.

Ke jej jelā bwe Kūraiĵ eo Ej jerkakpeje jān ro re mej, E jāmin bar mej; mej e jāmin bar irooj ion.

—Rom 6:9

Im Ear mej kōn otemjej bwe ro rej mour ren jab bar mour ñan er make, a ñan Eo ear mej im jerkakpeje kōn er.

—2 Korint 5:15

Jijej make ear ba, ... Bwe Ij mour, kom naaj mour bar āinwōt.

—Jon 14:19b

**5. *Jetōb Kwōjarjar ej aikuj in jokwe ilo kōj elaññe je 21
kōnaan jerkak ñan mour indeeo.***

... Kūrai*j* ilowaami kōjatdikdik kōn aibooj*o*j.

—Kolosse 1:27b

**Im elaññe Jetōb an Eo ear kajerkakpeje Jije*j* jān ro re
mej, Ej jokwe ilo kom, Eo ear kajerkakpeje Kūrai*j* Jije*j*
jān ro re mej Enaaj bar āinwōt kemour ami ānbwinnin
mej kōn Jetōb eo An Ej jokwe ilo kom.** —Rom 8:11

LALE BWE JETŌB AN KŪRAIJ EN MOUR ILO KWE

**A elaññe Jetōb an Kūrai*j* e jab ippān jabdewōt arme*j*, e
in e jab doon.** —Rom 8:9b

Im Ej jiburlep
er, im liküt pein
ioer, im jar kōn
er.

—Mark 10:16



Jijej Kürrij ej yokwe ña bwe äindein an Baiböl ba.

**A Jijej ej kürtok er ñan ippān im ba, Komwin liküt 23
bwe ajri redik ren itok ñan ippa, im jab böbrae er;
bwe ro aer wõt aer aelõñ in Anij. —Luk 18:16**

**Äindein Jemāmwōj ej pād i lañ E jab kōnaan bwe juon
iaan rein redik en jako. —Matu 18:14**

Jekdoon wōn kwe ak bukwon ta kwōj jokwe ie, Jijej ej yokwe kwe im Ear mej kōn kwe. Jijej e kōnaan bwe kwon yokwe E bar äinwõt. Kwō maroñ kwalok am yokwe Jijej kōn am pokake E.

**Elaññe komij yokwe Eō, kom naaj kōjparok kien ko Aō.
—Jon 14:15**

**Aaet, juon ajri ej make kwalok e kōn kōmman ko an,
elaññe jermal eo an erreō, im elaññe e jimwe.
—Jabōn Kōnnaan 20:11a**

24 EWI WĀWEEN AM MAROÑ IN LO IAL EO ÑAN ANIJ?

1. *Kwon kwalok bwe kwe juon ri jerowiwi (lale page 7).*
Bwe otemjej raar jerowiwi im rej likjab jān aiboojoj an
Anij. —Rom 3:23

2. *Kwon itok ñan Anij kōn Jijej Kūraij wōt.*
Bwe juon wōt Anij, im juon wōt Ri Kōllaajrak ikōtaan
Anij im armej ran, Eo ej armej, Kūraij Jijej.
—1 Timote 2:5

Kōn men eo Ej maroñ in lomoorer wōt ro rej kepaak
ñan Anij kōn E, bwe Ej mour indeeo im akwelap ñan E
kōn er. —Hibru 7:25

Jijej make ear ba, . . . Eo ej itok ñan Eō, e pen Aō jāmin
jolak e. —Jon 6:37b

3. *Kwon ukelok jān jerowiwi ko am.*

(Ukelok ej melele in “bwe joñan am büromōj kōn jerowiwi ko am kwō kōnaan ilok jān i.”)

Innām komwin ukelok ippemi, im bar oktak, bwe en jeorlok jerowiwi ko ami.... —Jerbal 3:19a

Ej meanwōd ñan kom, im jab kōnaan bwe jabdewōt en jako, a bwe ren otemjej itok im ukelok ippaer. —2 Piter 3:9b

4. *Kwon kwalok jerowiwi ko am ñan Jijej.*

(Kwalok ej melele in “ba kake” ak “errā ippān.”)



Elaññe jej kwalok jerowiwi ko ad, E tiljek im wānōk bwe En jeerlok jān kōj jerowiwi ko...

—1 Jon 1:9a

26 loon line ko ilal kwon jei 1 Jon 1:9, eoon eo me ej walok ilo pã ko peen jar.

5. *Kwon kaarmejjete jerowiwi ko am.*


(Kaarmejjete ej melele in “liküt” ak “ilok” jãn jerowiwi ko am.)

Eo ej kalibubu bōd ko an, e jāmin jeraamman; a eo ej kwalok im ilok jãn e, enaaj bōk tūriamo.

—Jabōn Kōnnaan 28:13

Kwon ilok jãn nana im kōmman emman....

—Sam 37:27a



Bwe kōn jouj emōj lomoore-
mi kōn tōmak; im men eo e
jab jān kom make; e an Anij
lewōj: E jab jān jermal ko, bwe
ejjelok en kōmmejāje.

—Epesōs 2:8, 9

6. *Kwon tōmak ilo Irooj* 27
Jijej Kūraj.

Bwe elaññe kwonaaj
kwalok Irooj Jijej ilo loñōm
im tōmak ilo būruōm bwe
Anij ear kajerkakpeje E jān
ro re mej, kwonaaj mour.

—Rom 10:9

Kwon lōke Irooj Jijej, im
kwō naaj mour, kwe im ro
nukwum.

—Jermal 16:31

28 7. *Kwon bōk Jijej Kūrai* ilo būruōm im ilo mour eo am.



Kwe wōt kwō maroñ in kapellok kōjām eo ñan būruōm im karuwanene tok Jijej, **Lo, Ij jutak imaan aor im kallallal. Elaññe jabdewōt armej enaaj roñ ainikiō im kapellok aor eo, Inaaj deloñlok ñan e, im naaj kejota ippān im e ippa.**

—Revelesōn 3:20

A ro raar bōk E, Ear lelok ñan er bwe ren erom nejin Anij, ñan ro rej lōke Etan.

—Jon 1:12

JUON JOÑAK KÖN WÄWEEN JAR 29

Elaññe kwaar jañin jar mokta jän iien in, im kwōj aikuje jidik jipañ, kwō maroñ loore wāween jar rot in ilal:



Irooj Jijej,

**Kommool kōn Am kar mej
ioon debwāäl bwe kwon bōklok
aō jerowiwi. Ña ij büromōj kōn
aolep nana ko emōj aō kōm-
mani. Ña ij kajjitōk bwe kwon
deloñ büruō im mour ilo ña ñan
indeo. Ña ij löke wōt kwe ñan
karreoik büruō. Ij bōk Yuk bwe
kwon aō Irooj im Ri Lomoor.**

**Ilo Etam ij jar im kajjitōk
aolep men kein, Amen.**

30 ELAÑÑE JIJEEJ EJ ILO BÜRUÕM INNÂM EWOR AM MOUR INDEEO

Im eñin konnaan eo, bwe Anij ear letok ñan kõj mour indeeo, im mour in ej ilo Nejin. Eo Nejin ippān, mour ej ippān; eo Nejin Anij e jab ippān, mour e jab ippān.

—1 Jon 5:11, 12

Emool, emool, lj ba ñan kom, Eo ej roñjake Aõ in naan, im lõke Eo e ar jilkintok Eõ, an mour indeeo, im e jāmin itok ilo ekajet; a ear ilok jān mej ñan lowaan mour. —Jon 5:24

Ilo ejja iien eo im ānbwinnim enaaj mej, kwonaaj iok lok Irooj (2 Korint 5:8). **Küraij ilowami kõjatdikdik kõn aiboojoj** (Kolosse 1:27b).

Elaññe emõj am kajjitõk ippān Jijeej bwe en jeorlok jerowiwi ko am, im elaññe kwõj tōmak ilo Irooj Jijeej Küraij āinwõt am Ri Lomoor, innām kwon jei etam ilal:



Kwon kōnono jet eon ko jān Baibōl (Naan in Anij) kajjojo raan im likūti ilo būruōm. Kwon kiili jet eon ko bwe ren jipañ yuk. (Elōñ eon ko remman ñan kiili rej ilo book jidikdik in).

Jeje ko otemjej emōj letok kōn kakōrmool an Anij, ej bar āinwōt wor tokjeir kōn katakin, im kauwe, im kajimwe, im kōj-jelāik armej ilo kwōjarjar.

—2 Timote 3:16

KÖNONO ÑAN JIJEF KÖN JAR JABDEWÖT IIEN

Kwon kammoolol Jijef kōn aolep men ko remman ilo mour in. Kwon nōbar E kōn aolep men ko remman emōj An kōmmani ñan yuk im kōn An lomooren yuk. Jar kōn aolep aikuj ko am. Jar ilo Etan Jijef.



Im eñin peran eo ipped ñan E, bwe elaññe jej kajjitök ippän kōn jabdewöt men eo ekkar ñan ankilaan, Ej roñjake kōj.
—1 Jon 5:14

...Elaññe kom naaj kajjitök ippän Jema, Enaaj lewōj ñan kom ilo Eta.
—Jon 16:23b

...Jar kōn doon.... —Jemes 5:16

...Jar kōn ro rej matōrtōr kom.
—Matu 5:44b

JUON WĀWEEN JAR ME EMŌJ AN JIJ EJ 33

KATAKIN RO RI KALOOREN KAKE

(Juon ri kaloor ej juon eo me ej loore Jijej.)

Jijej ear katakin ro ri kalooren bwe ren jar ilo wāween de in:

Jememwōj i lañ, En Kwōjarjar Etam. En itok Am aelōñ. Ren kōmanman ankil Am āinwōt i lañ, bar āinwōt ioon lal. Rainin kwon letok ñan kōm kijem rainin. Im jolok amwōj muri ippam, āinwōt kōm ar jolok an armej muri ippem: Im jab kadeloñ kōm ilo kapo, a lomooren kōm jān eo e nana. Bwe Am aelōñ, im kajoor, im aiboojoj indeeo. Amen.

—Matu 6:9b-13

Emman kwon kiili jar in. Elōñ ri tōmak rej ba jar in ippān doon ñe rej kweilok.

34 KIEN KO JOÑOUL AN ANIJ REJ KATAKIN KŌJ KŌN WĀWEEN AD MOUR ÑAN E

(Exodus 20)

*Kien ko emān mokta rej kōnono kōn wāween ad
yokwe Anij*

1. En ejjelok bar anij ran ippam ijellokō.
2. Kwon jab kōmanman im jekjek ekjab ñan yuk...
kwon jab barikrik jān er, ak jermal ñan er.
3. Kwon jab ba bata etan Jeova am Anij.
4. Kwon keememej raan in Jabot, bwe kwon
kakwōjarjar e.

*Kien ko jiljino āliktata rej kōnono kōn wāween ad
yokwe armej ro jet*

5. Kwon kipeliie ñan jemām im jinām.
6. Kwon jab uror.
7. Kwon jab lōñ.
8. Kwon jab koot.
9. Kwon jab kōnnaan naan in riab nae ri turum.
10. Kwon jab ankonak...jab men eo jabdewōt an ri turum.

ÑE KWŌJ POKAKE ANIJ INNĀM ENAAJ UWAAK JAR KO AM
Im jabdewōt men eo jej kajjitōk ippān jej bōk jān **E**,
bwe jej kōjparok kien ko An, im kōmman men ko rej
men in mōnōnō imaan mejan. —1 Jon 3:22

Kwon Yokwe Anij

1. Jijej e ba ñan e, Kwon yokwe Irooj am Anij kōn aolep en būruōm im kōn aolep en am, im kōn am lōmnak otemjej. Eñin kien eo elap im mokta. —Matu 22:37, 38

Kwon Yokwe Ro Jet

2. Im eo kein ka ruo āinwōt in, Kwon yokwe ri turum im āinwōt kwe. —Matu 22:39

Kien kein ruo rej kütbuuj aolep kien ko joñoul ilo page 34 im 35.



YOKWE ELAP LOK JĀN AOLEP!

37

Jepta eo elap ilo Baibōl kōn yokwe

(1 Korint 13:1-8, 13)

¹Elaññe ij kōnono kōn lo ko an armej im enjel, a yokwe e jab ippa, emōj aō erom jiniboor e tōñtōñ, ak aje e dibukbuk. ²Im elaññe ewor ippa bwe in rükaanij, im l jelā men ko rettino otemjej, kab mālōtlōt otemjej; im elaññe tōmak otemjej ippa, bwe in kōmmakūt tol ko, a yokwe e jab ippa, ña jekdoon. ³Im elaññe ij deeplok men ko mweiō otemjej in naajdik ri jeramōl, im elaññe ij lelok ānbwinniō bwe ren tile, a yokwe e jab ippa, ejjelok an kakajooror eō. ⁴Yokwe ej meanwōd, im e jouj; yokwe e jab juunmaad; yokwe e jab make kōmmejāje, e

38 jab juwa; ⁵E jab kōmman men ko jakkar, e jab kapukōt men ko an, re jab kaillu e, e jab lōmnak nana; ⁶Ke jab lañlōñ ilo jerowiwi, a e mōnōnō kake mool; ⁷Ej kijenmej ilo men otemjej, ej tōmak men otemjej, ej kōjatdikdik e kōn men otemjej, ej niknik ilo men otemjej. ⁸Yokwe e jāmin jako: a elaññe ewor rūkaanij ko, renaaj lot; ak elaññe ewor lo ko, renaaj jemlok; ak elaññe ewor jelā, enaaj jako.

¹³A kiiō e pād wōt tōmak, kōjatdikdik, im yokwe, men kein jilu; im eo elap iaer yokwe.

ANIJ EJ YOKWE

...Anij yokwe: im eo ej pād ilo yokwe ej pād ilo Anij im Anij ej pād ilo e. —1 Jon 4:16b

JIJEF E KŌNAAN BWE KWON KWALOK ÑAN RO JET

39



(ilo mweo imōm, ilo jikuul, ilo mōn jar, aolep jikin)

Jijef ear ba men in: **Kwon ilok ñan mweo imōm ippān ro nukwum, im kōnnaanōk er men ko relap an Irooj kōmman ñan eok, im kōjkan An tūriamo kake eok.** —Mar 5:19b

40 EWI WÄWEEN AM JELÄ BWE KWE JUON EO NEJIN ANIJ?

Innām kom naaj jelä kajjieir kōn leir. —Matu 7:20

A leen Jetōb, yokwe, lañlōñ, aenōmman, meanwōd, jouj, lejokmen, tiljek, ineemman, jatōr: ejjelok kien nae men rot kein. —Galetia 5:22, 23


JUON LUKKUUN IN NEJIN ANIJ ENAAJ JOLOK BÖD KO AN RO JET

Bwe elaññe komij jeorlok bōd ko an armej, bar äinwōt Jemāmwōj i lañ Enaaj jeorlok bōd ko ami. —Matu 6:14

7 MEN KO IM ANIJ EJ DIKI

Mejān ri añte, lo ej riab, im pā ko rej katoorlok bōtōktōk im ejjelok ruon; Juon bōro ej kine pepe ko re nana, ne ko e mōkaj aer ettōr ñan kokkure, Juon ri kōnnaan waan ej kōnono naan in riab, im eo ej jeor men in kijbil jimjan jimjatin.

—Jabōn Kōnnaan 6:17-19




JERBAL KO AN KANNIÖK: 41

“...lõñ, ettoon, ejej, kabuñ ñan ekjab, madmōd, kōjdat ko, akwāäl ko, ban ko, illu ko, wālok ko, limōjnono ko, kiojaljal ko, juunmaad ko, kadek, airuwaro ko, im men ko äerwōt: ...ro rej kōmman men rot kein re jāmin bōk aer jolōt aelõñ in Anij.”
—Galetia 5:19-21

“...Ak ri Sodōm, ak ri koot, ak ri ankonak.”
—1 Korint 6:9, 10a

KWON KÖTLOK BWE JIJEF EN KOBRAK YUK KÖN JETÖB EO AN IM KARREOIK YUK

“Im jet iaami kar aer wōt: a emōj kwale kom, a emōj kakwōjar-jar kom, a emōj kawānōk kom ilo etan Irooj Jijef Kūrai, im ilo Jetōb in ad Anij.”
—1 Korint 6:11



(Kwon kōnono
Luk 16:19-26.)

Lale kwaar jab lõke
Küraij wõt ñan kawānõk
yuk. E eo enaaj liküt
etam ilo Book in Mour.

“Im elaññe ar lo
jabdewõt im kar jab
jeje etan ilo bok in
mour, ar jolok e na
ilo lomalo in kijeek.”

—Revelesõn 20:15

“...Anij ear letok ñan kōj mour indeeo, im mour in ej ilo Nejin.”
—1 Jon 5:11b

“Bwe onān jerowiwi, mej; a men in jouj an Anij, mour indeeo ilo Kūraij Jijeej ad Irooj.”
—Rom 6:23

“Eo ej lōke Nejin, mour indeeo an: im eo e jab lōke Nejin e jāmin lo mour: a illu an Anij ej pād ion.”
—Jon 3:36

“Jijeej e ba ñan e, Ña ial, im mool, im mour: ejjelok armej ej itok ñan Jema, elaññe jab kōn Eō.”
—Jon 14:6



Ilo vision eo an Jon ilo Revelesōn 21 ear lo juon lañ ekāāl im juon lal ekāāl.

“Im Enaaj kōmōrāik jān mejeir dānnin kōmjaalal otemjej, im enaaj ejjelok bar mej, im re jāmin bar liaajlol, ak jañ, ak eñtaan; bwe men ko mokta re jako. Im Eo ej jijet ionon türoon eo Ej ba, Lo, Ij kōmman men otemjej bwe ren ekāāl....”
—Revelesōn 21:4, 5a

Jon ear bar āinwōt lo juon jikinwelok e kwōjarjar, Jerusalem eo ekāāl, me ear wanlaltak jān Anij ilañ. **“Im jikin kwelok eo ej kool erre eo āinwōt glass erre. Im foundesōn wōrwōr in jikin kwelok rej lōtlōt kōn dekā otemjej re aorōk.”**

—Revelesōn 21:18b, 19a

EMŌJ AN JIJ EJ ILEN KAPOJ JIKIN 45 AOLEP RO IM REJ TŌMAK ILO E

En jab pok büruõmi, komwin lõke Anij, komwin bar äinwõt lõke Eõ. Ilo imõn Jema elõñ jikin: elaññe jab äindein, Inaaj kar kõnnaanõk kom mokta; bwe lj ilen kapojak jikõmi. Im elaññe lj ilem kapojak jikõmi, Inaaj bar itok im bõk kom ñan Eõ: bwe ijo lj päd ie, bar äinwõt komwin päd ie. —Jon 14:1-3

KWON KŌNNAANŌK RO JET KŌN NEWS IN EMMAN

Jijej make ej ba, “Komwin ilok ñan aolepen lal, im kwalok gospel ñan armej otemjelok.” —Mark 16:15b

“Im eo ri mälõtlõt ej kareel büruõn armej ran.”

—Jabõn Kõnnaan 11:30

46 KALLIMUR KO AN ANIJ ÑAN RO NEJIN

I jāmin liküt eok, im I jāmin ilok jān kwe indeeo. —Hibru 13:5b

Bwe Enaaj jiroñ enjel ro An kōn kwe, bwe ren kōjparok yuk
ilo ial ko am otemjej. —Sam 91:11

...Ejjelok armej ej maroñ in kotak er jān pein
Jema. —Jon 10:29b

...Im lo, Ij pād ippāmi iien otemjej ñan jem-
lokōn ial. —Matu 28:20b

Kwon jab lōlñoñ kōn men ko kwonaaj
eñtaan kaki... Kwon tiljek ñan mej im I naaj
lewōj ñan kwe pällin eo pällin mour.

—Revelesōn 2:10

Meñe ij jijet ilo marok, Jeova enaaj aō
meram. —Maika 7:8b

Kwon kūr ñan Eō im Inaaj uwaak
eok.... —Jeremaia 33:3a



Aolep im naaj jerkakpeje.

Komwin jab bwilõñ kõn men in; bwe awa ej itok, ilo eo ro otemjej rej pād ilo lōb ko, renaaj roñ ainikien, im naaj di-wōjtok; ro raar kōmman emman, ñan jerkakpeje in mour: im ro raar kōmanman nana, ñan jerkakpeje in ekajet.

—Jon 5:28, 29

Ro im raar mej ilo Kūraj renaaj jerkakpeje mokta.

Innām kōj, ro jej mour im pād wõt, naaj bōklõñlok kōj ippān ro jet ilo kōdo bwe jen wōnmae Irooj i mejatoto; im āindein jenaaj pād ippān Irooj iien otemjej.

—1 Tessalonika 4:17

Komwin kōjparok kom, komwin ekkōl im jar: bwe kom jaje ñāāt iien eo. —Mark 13:33



NAAJ EWI WĀWEEN AN JIJEF JEPLAAK TOK?



Lo, Ej itok ippān kōdo ko, im mej otemjej re naaj lo E.... —Revelesōn 1:7a

Kōjparok kom jān riab in Kūraj ro im ri kanaan riab. Ien eo elaññe jabdewōt armej enaaj ba ñan kom, Lo ijin Ri Kūraj ak ijjiien; komwin jab tōmak e. Innām elaññe renaaj ba ñan kom, Lo, ej pād ilo āne jemaden; komwin jab ilok: lo, ej pād ilowan jikin tilekek ko; komwin jab tōmak e. —Matu 24:23, 26

JIJEF ENAAJ ROOLTOK MŌKAJ ILO KŌDO KO ILAÑ

Bwe āinwōt jarom ej itok jān reear, im romaak ñan kapilōñ: enaaj āindein an Nejin armej itok...im ilo iien eo bwij otemjej i lal renaaj büromōj, im renaaj lo Nejin armej ej itok ilo kōdo ko i lañ, kōn kajoor im aiboojoj elap. —Matu 24;27, 30b

Sam eo an Ri Lale Sheep

(Sam 23)

[1] JEOVA aõ Sepherd, I jāmin aikuj. ^[2] Ej kababu eõ ilo melaaj in wūjooj e maroro. Ej tōl eõ iturun dān ko re lae. ^[3] Ej jarōk aõ. Ej tōl eõ ilo ial ko re jimwe kōn Etan.

[4] Aaet, meñe ij etal ilo komlal in annañin mej, I jāmin mijak jabdewōt nana, bwe Kwoj pād ippa; Am alal im jokwonōm, rej kaenōmman eõ. ^[5] Kwoj kapoj juon tebel imaaõ imaan mejān ro rej kōjdat eõ. Kwaar kapet bōra kōn oil; aõ kap ej e lōñ mājidjid.

**[6] Emman wōt im jouj renaaj loor eõ raan ko otem-
jej ij mour, im inaaj jokwe ilo imōn Jeova ñan indeeo.**

If you are interested in receiving additional Scripture booklets,
write to the publisher:

World Missionary Press, Inc.
P.O. Box 120
New Paris, IN 46553-0120 USA

Ejjelok onān book in – jab wia kake